

Grad Novi Pazar

Skupština grada

Odbornička grupa SDA Sandžaka

Novi Pazar

15. juni 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O SPROVOĐENJU PLANA ODRŽIVOG RAZVOJA GRADA NOVOG PAZARA 2021-2030**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 16. juna 2023. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

mr. Ahmedin Škrijelj

PRIJEDLOG

Na osnovu članova 9, 42, 43, 46, 47. i 48. Zakona o planskom sistemu Republike Srbije („Službeni glasnik Republike Srbije“, broj 30/2018), člana 21 Zakona o lokalnoj samoupravi („Službeni glasnik Republike Srbije“, broj 129/2007, 83/2014 - dr. zakon, 101/2016 - dr. zakon i 47/2018), člana 15. Statuta grada Novog Pazara („Službeni list Grada Novog Pazara“, broj 8/17) i člana 121. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj dana 16. juna 2023. godine, donosi

ODLUKU O DOSTAVLJANJU IZVJEŠTAJA O SPROVOĐENJU PLANA ODRŽIVOG RAZVOJA GRADA NOVOG PAZARA 2021-2030

Član 1.

Obavezuje se Gradsko vijeće grada Novog Pazara da Skupštini grada Novog Pazara podnese godišnji izvještaj o sprovođenju Plana održivog razvoja grada Novog Pazara 2021-2030, u skladu sa Zakonom o planskom sistemu Republike Srbije.

Član 2.

Gradsko vijeće grada Novog Pazara izvještaj iz člana 1. ovog člana podnijeće u roku od 30 dana od dana stupanja na snagu ove odluke.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj: _____

U Novom Pazaru, _____ 2023. godine

PREDSJEDNICA

Dr. Anela Šemsović

O B R A Z L O Ž E N J E

I – Pravni osnov za donošenje odluke

Pravni osnov za donošenje ove odluke sadržan je u članovima 9, 42, 43, 46, 47. i 48. Zakona o planskom sistemu Republike Srbije („Službeni glasnik Republike Srbije“, broj 30/2018), člana 21 Zakona o lokalnoj samoupravi („Službeni glasnik Republike Srbije“, broj 129/2007, 83/2014 - dr. zakon, 101/2016 - dr. zakon i 47/2018), člana 15. Statuta grada Novog Pazara („Službeni list Grada Novog Pazara“, broj 8/17) i člana 121. Poslovnika Skupštine grada Novog Pazara („Službeni list grada Novog Pazara“, br. 6/19).

II – Razlozi i cilj donošenja odluke

Plan održivog razvoja grada Novog Pazara 2021-2030 usvojen je na sjednici Skupštine grada 20. decembra 2021. godine i objavljen u Službenom listu grada Novog Pazara br. 13/2021. Zakonom o planskom sistemu Republike Srbije utvrđeno je obaveza podnošenja godišnjeg izvještaja o sprovođenju plana razvoja jedinice lokalne samouprave i izvještaj o učincima sprovođenja tog plana. Također, utvrđeno je da se izvještaj objavljuje na internet stranici jedinice lokalne samouprave, najkasnije 15 dana od dana usvajanja.

Također, Zakonom o planskom sistemu Republike Srbije predviđa i donošenje srednjoročnog plana, odnosno, sveobuhvatnog planski dokument koji se donosi za period od tri godine i koji omogućava povezivanje javnih politika sa srednjoročnim okvirom rashoda. Srednjoročni plan se izrađuje na osnovu važećih dokumenata javnih politika, uz uvažavanje prioriternih ciljeva, raspoloživih kapaciteta i resursa, kao i promjena faktičke situacije u odnosu na vreme kada su ti dokumenti javnih politika donijeti.

Na osnovu Uredbe o metodologiji za izradu srednjoročnih planova („Sl. glasnik RS“, br. 8/2019) obveznici srednjoročnog planiranja izrađuju godišnji izveštaj o sprovođenju srednjoročnog plana, koji se odnosi na prethodnu fiskalnu godinu, najkasnije do 15. marta tekuće godine, tako što unose podatke o postignutim rezultatima u Jedinstveni informacioni sistem. Obveznici srednjoročnog planiranja objavljuju godišnji izveštaj o sprovođenju srednjoročnog plana na svojoj internet stranici.

Nakon usvajanja izveštaja o učincima sprovođenja plana razvoja, gradsko vijeće jedinice lokalne samouprave, kao i skupština jedinice lokalne samouprave može utvrditi potrebu da se sprovede revizija plana razvoja jedinice lokalne samouprave, na osnovu čega se pristupa izradi predloga izmena i dopuna plana razvoja.

Ova odluka ima za cilj sprovođenje odredbi Zakona o planskom sistemu Republike Srbije, a posebno izvještavanja o sprovođenju Plana održivog razvoja grada Novog Pazara.

III – Objašnjenje pojedinačnih rješenja propisanih ovom odlukom:

Članom 1. utvrđen predmet ove odluke.

Članom 2. propisan je propisan rok za izvršenje ove odluke.

Članom 3. propisana je obaveza objavljivanja u „Službenom listu grada Novog Pazara“.

IV – Finansijska sredstva za sprovođenje ove odluke nisu potrebna.